

SCRIPT OF MORNING GOJRI NEWS BULLETIN 16JAN 2026

1015HRS

مارنگ گجری نیوز بولٹن 16 جنوری 2026

یوہ آکاشوانی جموں ہے محبوب سلطانی تیں خبر سُنو۔

HOME SEC VISIT CONCLUDES

مرکزی داخلہ سیکرٹری گووند موہن گو دو روزہ جموں کشمیر گو دورو اختتام پزیر ہو گیو ہے اس دوران انہاں نے یو ٹی گا سلامتی تے ترقیاتی معملوں ور بکھ بکھ اعلیٰ سطحی میٹنگ مانہہ شرکت وی کی اپنا دورہ غے دوجے تہاڑے انہاں نے لیفٹیننٹ گورنر منوج سنہا سنگ جموں مانہہ ملاقات کرغے مجموعی حفاظتی صورتحال تے دہشت گردی مخالف جاری کاروائیاں گو جائیزو لیو جناب گووند موہن نے پہاڑی علاقوں مانہہ بدھائی گئی حفاظت تے بی العقوامی سرحد تے قبضہ لکیر کول ڈرون غی دراندازی ور وی تبادلہ خیال کیو داخلہ سیکرٹری نے تمام حفاظتی ایجنسیاں غے بشکار مضبوط تال میل ور زور پایو تانجے دہشت گردی غے خلاف موثر کاروائیاں تے مجموعی امن نانہہ برقرار رکھیو جاسکے۔

JK GOVT IRAN

وزیر اعلیٰ عمر عبداللہ نے کہیو ہے جے حکومت نے جموں کشمیر غا رہن آلا تے خصوصی طور طلبا جہیڑا اس ویلے ایران مانہہ ہیں غی حفاظت ور نزدیکی نظر رکھی وی ہے انہاں نے کہیو جے انتظامیہ نے نوی دلی مانہہ موجود اڈیشنل ریزیڈنٹ کمشنر نانہہ نوڈل افسر غا طور ور نامزد کیو ہے جہیڑو وزارت خارجہ تے ایران مانہہ بھارتی سفارت خانہ سنگ دستاویات ایڈوائزری تے فلاحی ماور بارے رابطو قائم کرے غو وزیر اعلیٰ نے تمام گنباں توں اپیل کی ہے جے وے گھبراوے نانہہ تے کسی وی مدد واسطے ان نمبروں ور رابطہ کرسکیں جن مانہہ 166 8900 1800 ہیلپ سی ایم 7303620090 ہیلو جے اینڈ کے تے کنٹرول روم سنگ ان نمبروں ور رابطو کرسکیں 011-011-24611108, 24611210-2501955-0194۔

DAR SHIVRAJ MEET

زراعت گا وزیر جاوید احمد ڈار نے نوی دلی مانہہ مرکزی وزیر زراعت تے کسان بہبود شیوراج سنگھ چوہان سنگ ملاقات کرغے جموں کشمیر مانہہ زراعت تے دیہی ترقی واسطے مرکزی تعاون مانہہ بادھو کرن بارے کیو ہے وزیر موصوف نے راشٹریہ کرسی وکاس یوجنا تے کروشونتی یوجنا غے تحت رُکی وی رقم نانہہ تاولے دین گو وی مطالبو کیو انہاں نے حال ہی ماہ بھارت نیوزی لینڈ مفت تجارتی معاہدہ گا حوالا سنگ سیب گا کاشتکاراں گا تحفظات وی سامنے رکھیا تے کہی و جے اس معاہدہ سنگ گھریلو منڈی مانہہ منفی اثر پے سکے اس دوران مرکزی وزیر نے اس گل غی یقین دہانی کروائی جے مقامی کساناں گا مفاد بھارتی حکومت غی اولیں ترجیح مانہہ وے گا۔

R-DAY PREP

قومی شاہراہ 44 ور آن آلا یوم جمہوریہ غی پیش نظر حفاظت نانہہ چوکس کر دتو گیو ہے اس ضمن مانہہ حکام نے اضافی تفری تعنیات کرن ناکو لان تے گشت کرن آلی نفری مانہہ وی بادھو کیو بے تانجے نقل و حرکت نانہہ برقرار رکھیو جاسکے تے کسے وی ناخشگوار واقعہ تون بچیو جاسکے اس سلسلہ مانہہ یوم جمہوریہ غی سب تون بڑی تقریب مولانا آزاد میدان جموں ماہہ منعقد وے گی جت لیفٹیننٹ گورنر منوج سنہا سلامی لیں غا جد کہ وزیر اعلیٰ عمر عبداللہ اس تقریب مانہہ مہمان خصوصی غا طور ور شامل وین گا۔

START UP INDIA

اسٹارٹ اپ انڈیا مہم نے اج اپنا دس براں پورا کرلیا ہیں۔ اس مہم غی شروعات 2016 مانہہ کی گئی تھی جس غو مقصد ایجاد کاری کاروباری تے سرمایہ کاری ور مبنی ترقی نانہہ فروغ دیتو تھو اس ضمن مانہہ پچھلا 10 براں غے اندر یا شروعات دنیا غی سن تون بڑا اسٹارٹ اپ نظام بچوں اک بن گئی ہے اسٹارٹ اپ انڈیا نے نوی ایجاد روزگار گا موقع پیدا کرن تے معاشی ترقی مانہہ اہم کردار ادا کیو ہے جہیڑا بھارت غا وکست بھارت 2047 گا نظریہ نانہہ مضبوط بنا رہیو ہے۔

PROG ANN

علاقائی خبراں آلو شعبو آکاشوانی جموں قومی سڑک تحفظ مہینہ 2026 غا موقع ور 25 منٹ غو ایک خصوصی پروگرام 17 جنوری 2026 نانہہ نشر کریں گا اس خصوصی پروگرام غو موضوع سڑک تحفظ زندگی غو تحفظ رکھیو گیو ہے یاہ خصوصی نشریات 17 جنوری 2026 نانہہ تہاڑی گا 2 بج غے 30 منٹ ور نشر کیو جے غو اس خصوصی پروگرام مانہہ مارا مہمان وین گا جناب فاروق کیسر جے کے پی ایس جہیڑا ٹریفک پولیس دیہی علاقہ گٹھوے، سانہہ، راجوری تے پونچھ غا ایس ایس پی ہیں تے وہ سڑک غی حفاظت بارے موضوع ور اپنی قیمتی رائے تے تجربا سانجہ کریں گا۔ پروگرام غی میزبانی کریں گا مارا انکر وجے بجاج۔

WEATHER

محکمہ موسمیات نے اج تون پورا جموں کشمیر مانہہ بارش تے برف باری غی پیش گوئی کی ہے تازہ موسمی جانکاری غے مطابق یو ٹی مانہہ عام تور چڑھ رہن غے نال نال ہلکی بارش تے اچیراں علاقاں مانہہ برف باری ہوسکے جد کہ آن آلا 2 تہاڑاں غے اندر جموں صوبہ غا میدانی علاقاں مانہہ درمیانہ تون پاری درجہ غی تھند ہوسکے جد کہ 23 تے 24 جنوری نانہہ چناب ویلی، ادھمپور، ریاسی تے جنوبی کشمیر مانہہ درمیانہ تون پاری درجہ غی بارش ہوسکے اس ضمن مانہہ سفر کرن آلا نانہہ کہیو گیو ہے جے وے سفر احتیاط سنگ کریں تے اس ضمن مانہہ 23 تے 24 جنوری نانہہ بارش غے چلتیں خاص خیال رکھیں۔
